

欽定剿平三省邪匪方略

欽定剿平三省邪匪方略正編卷三百三

壬戌年

二月二十七日

戊辰

德楞泰奏言

臣

前由奉節之

下關城督兵前赴巫山於十二日移師東進沿

途仍分兵逐處搜捕途次天池正在駐營間接

據巫山縣文武飛稟昨夜二更時有東來一股

賊匪數百人在江東嘴羅灘菜子壩一帶滋擾

逼近城垣現在督率兵勇施放鎗礮轟擊共斃

賊十四名賊始稍退尙未遠颺

臣

查天池距巫

山六十餘里傳令兵勇於二更後卽發兵前進

次日辰刻抵巫邑據城守都司袁陞侯署知縣

徐士林面稟賊匪黎明時業向王家槽東竄

臣

卽督率豐紳達勒精阿色爾滾武隆阿馬瑜等

帶領侍衛將領兵勇過江東嘴小河向東疾追

趕至三灘舖地方近及賊尾馬步兵勇極力趕

剿殺賊八九十名生擒倪金等二十三名訊稱
白號張元帥等匪各處湊合有七八百人探知
巫山城內兵少由十二峯南山裏出來不想被
鎗礮打回等語餘無要供均係戰手一概斬訖
旋探該逆折向西北之東坪壩逃竄十四日仍
督兵趕追至鴉鵲水又殺賊四五十名擒獲毛
尙德等十八名餘匪直過巴霧河北逃追我兵

過河該逆連夜由巴霧河之上遊三十里又過
河東向牯牛窖觀音崖東竄非走琴樂坪卽奔
木瓜溪均距界嶺不過數十里

臣

原欲將川東

邊界零匪剿淨或截令向西以清東界若再尾
追該逆勢必愈奔愈速架入楚疆又據探報已

東萬流等處尙有賊匪兩起而巫山南山十二

峯一帶亦有零匪

臣

再四思維必須設法由水

路繞過界嶺直趨巴東之萬流地方上岸自東而西兜截是以一面飭令在巫山辦理團勇之知府方積周景福協同該縣趕辦般隻卽一面將兵勇撤回暫駐巫山城外之較場壩嗣探該逆知官兵撤回尙游奕於琴樂坪一帶十六日據該縣稟報就近已辦得大小船百餘隻核之足敷二千兵勇裝載之用

臣

令豐紳色爾滾武

隆阿督同侍衛蘇爾伸明喜等帶領馬步兵勇
二千餘員名由巫山登舟順流而下

臣

督率達

勒精阿馬瑜等並巫山營都司袁陞侯典史彭

震帶領馬步兵勇二千餘員各由王家槽向南

山十二峯前進十七日午後豐紳色爾滾等抵

萬流上岸齊隊卽進是晚趕至巴東之馬家村

探得張逆尙未翻過界嶺該處山內另有兩起

賊匪一股先於十五日向興山之羅坪北竄尙
有一股餘匪四五百人屯踞乾溝一帶山內已
督兵自東而西就近搜剿兜截次日趕至大小
水口滴水巖地方官兵突出直前剿殺立斃賊
六七十名生擒章國才等四十九名查訊係龔
姓帶領線字號餘匪並無著名首逆內有附近
難民謝廷文等二十一名卽行省釋其餘賊匪

均卽正法餘匪不敢東逃遂另走大荒口西竄
而白號張逆見線號賊匪被剿西折亦由原路
過巴霧河逃遁

臣

兵抵王家槽查南山十二峯

一帶均係零星散賊佔住民房

臣

卽將大營暫

屯王家槽派令將領率同兵勇等改裝易服分

路到處搜捕由水田壩牛家槽向家院子徐家

溝直至七星舖仙女舖十二峯之下其中有十

數人二三十人一處者有五六十八成羣者各路兵勇分投搜捕次日共繳耳記六十三副活賊曹樹德等四十七名奪獲馬騾牛驢刀矛甚多訊出本處土匪趙華廷等八名均係勾通賊匪擄掠之徒其餘均係積慣賊匪隨即一併正法餘匪向水口西逃此時界嶺內外及北岸南山內均已全行搜淨又查南山十二峯一帶原

爲完善之地向有硎寨而硎多寨少未能一律
堅固各逆遁藏其中至今始行肅清

臣

現飭袁

陞侯彭震乘此兵威卽令居民將糧石等項或
運南岸或搬城內曉諭團集義勇互相守助以
絕逆賊佔踞之心並飭知方積周景福安速查
催日內諒可辦就豐紳色爾滾武隆阿等連日
又將木瓜溪琴樂坪龍村一帶搜捕淨盡十九

日帶兵前來會合

臣

卽令豐紳等仍帶原兵二

千餘員各緊躡賊蹤西追

臣

亦帶兵勇二千餘

員各擬卽取道楊溪河前赴大寧剿辦張子聰

並苟樊二逆餘匪且聞總兵田朝貴等所追張

魏一股餘匪已奔開縣馬家營有東竄之勢

臣

北趨大寧隨時確探亦可就近迎剿設或楚匪

被截入川而巫山大寧相距百餘里仍可酌量

兼顧又查川東地方遼濶隣塾梁萬新達東開
等處刻下零匪自數十名至二三百名者頗多
勒保賽冲阿共帶兵勇不過三千員名在彼搜
捕正關緊要其川北張魏等逆零匪無幾現有
道員劉清帶領鄉勇一千餘名在彼堵緝常有
擒斬且通巴文武辦理團寨極爲認真而蒼廣
巴南又已肅清無賊是以臣卽札商勒保賽冲

阿仍將梁萬等處餘孽趁此搜剿不必急於北
進想勒保賽冲阿亦必酌量緩急情形辦理再

臣從前查奏賊數除苟逆大股外三省中已無

成股之賊均係數百至數十名者游奕於川楚

陝交界老山之內近因臣督兵東下孫清元吉

林泰等追剿入川賊數頗衆所有現追之王曾

崔胡戴四樊陳各逆併合已有四五千衆是楚

匪實增於前但其中或有打散零匪附合或日久又增擄掠均屬事所必有總之目下賊勢遙見兵至每不抵敵惟恃鋌險翻山鼠竄於巖溝草木之間縱分兵四出搜捕曠野荒林擒拏有限迨兵去稍遠則又漸出湊集或遇零匪陸續併合遂又嘯聚滋擾且恐官兵突至四路分探留數十人或百餘人牽綴如在西則其衆實已

東逃迨至獲犯訊出真情賊蹤相去已遠一經
追及又復如前其屯聚之處多係散居民房又
於路口高山瞭望我兵剿辦一處其他處之賊
已聞聲先颺似此詭譎萬狀哨探稟報亦往往
朝是夕非所以官兵行走未嘗稍息而擒斬不
能如前其有三五成羣百十結黨者更難按股
分追是以臣前與勒保面商令各州縣碉寨聚

團分派佐雜管領並委道府分段總理近據派
辦各處團寨文員稟報漸能鼓勵寨勇設法要
截獲賊數名至一二十名不等雖未盡能衝鋒
對壘然賊匪竄過終不敢肆意擄掠現已稍有
成效至臣前此由巴東巫山界上截回之陳逆
五號賊股所剩三百餘人近於雲陽之蘭溪又
合另股賊匪一百餘人西奔梁山忠州聞勒保

賽冲阿等接剿已得勝仗此次攻撲巫城之白

號賊匪七八百名

臣

繞過界嶺截回亦向西北

遁逃計兩次截回川境者已有二千餘名現在

巫山以東至巴東屬萬流以西沿江北岸及山

內賊匪全行肅清

臣

擬卽分兵西進趕剿白號

賊股如遇零星匪亦卽隨時剿擊並仍嚴飭各地

方及辦理圍寨之大小委員認真堵禦以期節

節有兵段段截剿迅速集事以刻下兵力而論
數倍於賊祇以地方遼濶賊蹤飄忽追逐不能
得力至於調取新兵不但緩不濟急性尤不耐
勞苦不過虛糜糧餉陳兵雖連年奔馳稍形疲
乏然而登山陟險雨雪寒暑皆已習慣一經行
陣其熟練勇敢之氣實足深恃若再加之鼓勵
無不踴健奮勉故能所向克捷况漢北苟宋劉

等逆不日剪除又可騰出川陝兩省兵力以之
剿此敗殘遺孽不難次第廓清

同日勒保賽冲阿奏言

臣

等因前在栢林漕剿

敗之賊竄走墊江隣水有向廣安之勢官兵探
蹤兜截該匪被剿情急分作數股四竄正在分
兵剿辦間又據萬縣稟報有賊一股從奉節雲

陽竄來有向梁山葫蘆壩一帶之勢

臣

等會同

商議前次剿剩之賊既分股四散西竄而東路
又有新來賊匪不得不分兵剿捕當卽議定

臣

賽冲阿同溫春帶領官兵向大竹一路前進派

令總兵蒲尙佐副將馬元遊擊賀廷印等帶領

官兵向墊江隣水一路前進又派令侍衛花品

塔什拉遊擊馬績門繼春等帶領官兵向萬縣

一路迎擊

臣

勒保繼進策應初十日

臣

賽冲阿

等帶兵行抵元壩驛接據大竹縣稟報有賊在
該境九盤寺附近一帶竄擾

臣

賽冲阿卽督兵

前進十一日趕抵該境賊匪已竄走蕭家場當

飭官兵分爲左右兩路探蹤進剿叅將李東山

沈洪遊擊楊森曾受等率領步兵從右手翻山

追躡

臣

賽冲阿溫春帶同侍衛富森德協領明

德等率領馬隊由左手山埡抄截行至溫家溝

地方該境山勢陡險賊匪一聞官兵信息卽奔上山梁都司李鳳鳴帶兵先至其地望見山上有賊卽爭先追殺賊匪在山上拋擲石塊如雨被傷兵勇數名李鳳鳴奮力搶上山梁射斃執旗賊一名賊匪猶恃險抗拒李鳳鳴正率兵勇仰攻不料所騎二匹爲石塊擊傷跌落下坎李鳳鳴棄馬步行以復催兵向前忽坎旁突出二

賊持矛向戳李鳳鳴不及防備遂被戕害適

臣

賽冲阿等所帶馬隊官兵從左手山垭抄出李
東山沈洪等所帶步隊官兵亦全行趕至兩下
夾攻鎗箭齊發斃賊數十名奪獲賊旗一面刀
矛二十二件該匪翻山奔潰我兵緊蹙由觀音
寨梁家坡高硎橋老龍場等處沿途追殺復斃
賊數十名擒獲戰手五名天色向晚餘匪四竄

無蹤當將活賊向起順等審訊正法訖查此路
竄匪人數本屬無多追殺殆盡

臣

賽冲阿辦完

此股後正欲移師他向適據總理團練之知府

趙秉淵稟報東鄉所屬袁家口壩地方有賊匪

一二百人由盧祠寺流碧灘一帶竄來請兵剿

辦

臣

賽冲阿當卽與溫春帶領馬步官兵從趙

家場出家坪一路取道迎擊行抵該境賊匪正

在空房造飯遙見我兵卽捨命向對山奔竄

臣

賽冲阿等督率馬步官兵兩路合圍適有辦理
團務之達州學正倪朝摺軍功武生劉中魁等
率領寨勇二百餘名前來協剿維時馬步官兵
從山梁下壓鎗箭齊發寨勇人等亦分投追擊
賊匪情急四散奔逃所有馬匹牛隻食物刀矛
紛紛拋棄兵勇奮力爭先當時殺斃三十餘名

生擒二十八名被脅難民逃出者甚多餘匪所
剩無幾均棄械空身竄逸查此股賊匪係青白
二號餘黨賊首席尙文經我兵生擒訊係積年
老教當卽對衆凌遲處死餘賊飭交趙秉淵審
明稟候核辦並飭寨民將逃散餘匪留心盤詰
以淨根株至總兵蒲尙佐副將馬元遊擊賀廷
印等帶領兵勇行抵隣水地界探聞賊匪已竄

廣安蒲尙佐馬元賀廷印等連夜向台州取道沿河兜截該匪聞官兵追擊不敢竄近河岸復折回楊家崖華銀山一帶逃竄我兵晝夜疾馳該匪行走甚速直追至江北所屬之乾廟子譚家崖黃家碕等處沿途殺賊十五名生擒十八名奪獲賊旗一桿長矛二十六件該匪被追情急四散逃竄復飭寨民分投搜捕又於各處林

箐山洞內搜獲逃賊十九名當與臨陣生擒各賊一並正法餘匪復折向中山坪新開園一路逃竄蒲尙佐馬元賀廷印仍帶兵連日緊躡直趕至大埡口地方復又追及賊匪殺斃十餘人生擒八名訊明正法奪獲鎗矛四十五件賊匪尙剩數十人並無器械向開縣之扇子山一帶各處散竄無蹤至侍衛花品塔什拉遊擊馬續

門繼春等帶兵前往迎剿奉節雲陽竄來之賊
行抵王家場探得賊匪已竄過譚家壩石碑場
等處我兵連夜前進初十日午刻追至忠州之
九亭地方趕及賊匪該匪一聞兵至卽先行起
竄官兵跟蹤緊躡沿途殺斃賊匪三十餘名擒
獲落後男婦三十三名口解送來營臣勒保當
提該犯石老么等查訊據供此股係青號餘匪

賊首名陳自得賊衆約有六七百人驟馬八九
十頭匹向在巴東巫山交界地方竄擾近日因
總將軍兵到陳自得就帶領衆人由奉節雲陽
一路竄至忠州地方遇官兵前來陳自得帶衆
人先走我等落後被擒等語當將從賊日久之
石老么等十一名正法其餘被擄未久之李泰
明李周氏等二十二名口給予口糧遞籍安插

查此股賊匪從川楚邊界竄入川東腹地此時
有奔鄧都涪州長壽之勢人數較多恐前派兵
單一時未能得手現在臣勒保會同臣賽沖阿

親率官兵趕往策應賊分則兵亦分賊合則兵
亦合當隨時酌量情形設法殲除至臣勒保前

派總兵張志林在梁山新寧開縣一帶搜剿餘
匪節據稟報該鎮帶領兵勇在仁市舖地方據

該境民人稟稱螺螄店地方有賊匪一股約四五十人又貓兒寨附近山內有賊匪十餘人晝伏夜出摸樁爲害張志林當派遊擊唐際盛夏雲龍等分投搜捕該匪不知官兵到來正屯聚未散我兵突至殺斃二十餘名生擒二十六名奪獲賊旗一桿鎗矛二十四件當將各賊訊明內有婦女二口係附近民婦被掠當交寨民查

喫親屬給領其餘男犯悉係戰手概行正法訖
張志林仍帶兵偵探賊蹤跟剿初七日行至開
縣火焰壩探得有賊匪百餘人從三匯場向兩
河口燈草壩一帶竄去張志林當卽帶兵探剿
次日午刻追至回龍寨地方賊匪正在翻山張
志林當同遊擊唐際盛鄔海慶夏雲龍等督率
兵勇四面圍剿該匪竟敢恃險抗拒我兵奮力

仰攻上下衝殺數次殲斃賊二十餘名生擒四
十八名奪獲賊旗長矛騾馬甚多餘匪潰逃自
午至酉我兵跟追五十餘里該匪等尙剩數十
人均棄械空手向深林密箐逃匿無蹤當將活
賊解交開縣聽候審辦張志林仍帶兵探賊前
進十一日復據探報開縣九龍山地方有賊二
三百人在火地坡竄來張志林督兵迎擊該匪

正蜂擁而來一見官兵卽折回原路奔逃我兵
緊躡十餘里翻過兩重山梁路逕險窄樹木叢
雜該匪稍得地勢卽憑高抗拒張志林飭令兵
勇施放鎗礮向上轟擊並督率遊擊鄔海慶唐
際盛帶兵仰攻復分派遊擊夏雲龍守備周士
貴帶兵從右手山梁抄截都司畢萬年守備吳
芝秀帶兵從左手山梁抄截該匪見官兵三面

攻圍卽紛紛潰散卽海慶唐際盛等將賊匪壓下山坎適左右兩路官兵齊至我兵趕緊追殺斃賊三十餘名生擒戰手四名該匪遺棄包裹糧食甚多張志林將所獲戰手立即正法現仍督兵偵探餘匪竄向緊躡剿辦再總兵田朝貴副將蕭福祿叅將朱槐等在川北地方剿辦張添倫魏棒棒餘匪近接探報該匪已由東鄉之

中河一帶竄走有入馬家營之勢該鎮將等帶

兵緊躡前來查此股賊匪向在川北廣元蒼溪

等處屢次窺伺上游江岸

臣

勒保遠在川東正

患不能兼顧今被官兵逼剿東來正可就近督

催剿辦現已飛飭該鎮將等務令併力剋日辦

淨再據署萬縣知縣王世燾稟稱正月十九日

有辦理團練之委員陳錦權盤獲賊匪張長貴

一名訛係首逆張長更之胞弟與張長更同時
起事在賊營領衆管事茲剿急逃散被盤石寨
民拏獲送縣錄供稟報前來

臣

勒保查核供情

實係首逆張長更胞弟向在賊營與其兄同惡
相濟日久稽誅今罪惡貫盈自投法網當卽飭
縣懲制示衆以快人心奏入

上命軍機大臣傳諭德楞泰勒保曰此次德楞泰分

飭將領搜剿川東教匪將界嶺內外及北岸南山
內藏匪賊匪悉數剿淨所辦尙好又據勒保等奏
官兵在大竹江北分剿賊匪統計前後殲擒之賊
不過二三百名其餘散匪仍各分投奔竄看來川
境現在俱係零星餘逆並無著名成股賊匪但所
剿者俱係積久之賊狡猾異常且什伯爲羣自不
值以大兵追逐德楞泰分遣將領搜捕并與勒保

商令各州縣硿寨聚團分派地方官管理不可徒託空言總須聯文武官及兵勇寨民爲一氣同心協力必能迅速蔽功况摺內稱刻下兵力數倍於賊無須添調新兵而陳兵熟練勇敢旣足深恃德楞泰勒保務當加之鼓勵儘現有兵力上緊剿辦或設伏邀截或改裝哄誘總在臨時相度機宜設法籌辦朕亦不爲遙制至首逆李彬昨經劉清督

率新勇擒獲當卽降旨分別加恩湯思蛟劉朝選
二逆久在川境逃竄此時藏匿何處不可令二賊
覓脫現在是否有官兵專辦摺內亦未聲敘并著
查明具奏其趕辦船隻之署巫山縣知縣徐上林
尙屬能事著德楞泰勒保存記俟再有出力之處
續行保奏至棄馬催兵遇賊陣亡之都司李鳳鳴
殊爲可惜著咨部加一等賜卹

同日慶成奏言近日零星川匪盡由廣元南江以南潛奔陝境

臣

未能遠出卡外追捕嚴飭各

卡將弁兵勇一得確蹤不分畛域扼剿其沔畧

之黑河老林一股賊匪二三百人久匿該處滋

擾派去守備李如緒一路兵勇東逐西遁迄未

捕盡

臣

又派都司李廷彪分帶兵勇三百餘名

趕往黑河協同李如緒併力搜捕乃該都司以

賊匪無多並未確探蹤跡率入老林本月初九
日夜間突遇賊匪猝被戕害并陣亡弁兵七名

鄉勇十五名臣聞信憤恨異常此等殘孽倚林

延喘竟敢肆悍戕害官兵若不先卽剿除必致

漸形滋蔓又爲大股臣刻卽自帶兵勇馳入黑

河剿辦探得該匪已入鳳兩地方滋擾臣督兵

星夜抄出西北進剿該匪一聞我兵已出其前

又遁入深林藏匿

臣

酌留鎗礮弁兵扼住西北

令都司張起鰲守備李如緒各挑捷便兵勇裹帶乾糧深入老林不分日夜窮其所之遇賊卽剿連日都司張起鰲守備李如緒等分投搜剿使該匪無所隱匿斬擒六七十名僅剩一百餘人折回棧東捨命散奔據拏獲活賊李元等供稱係劉永受分出之賊此內並無著名首逆祇

有馬姓大旗手管帶想在黑河地方藏躲擄人
見官兵處處搜截不敢久停由原路折回等語
李元等九名審係積年戰手均卽正法並令李
如緒帶兵勇窮追不予稍暇務須盡絕根株分
派弁兵在棧西黑河等處老林逐一搜捕已無
遺孽_臣帶兵仍撤回褒沔隨時查探不拘何股
賊匪竄近督率協剿昨聞苟逆股匪翻過秦嶺

竄至峪口經畧督率各路大兵業已截回其劉
宋零匪人數無幾亦在秦嶺附近游奕此時黑
河地方肅清難保棧東剿散殘匪不復西竄留
鳳一帶爲西入黑河竄甘之路

臣

在褒沔之間

兼顧川陝邊界所帶兵勇內兩次分撥叅將吳
亨衍遊擊張汝勤等帶去一半難以再分茲經
畧督率楊遇春薛大烈凌溥等各路官兵聲勢

壯盛以次剿洗衆將吳亨衍遊擊張汝勤之兵
勇可以移於留鳳之間往來剿搜西竄殘匪棧
道商賈行旅亦可恃以無恐矣奏入

上命軍機大臣傳諭慶成曰此次劉永受分出之賊
竄至鳳兩地方遁入深林希圖藏匿經慶成督飭
將備分帶兵勇入林搜剿擒斬多名棧西黑河等
處已無遺孽惟此股餘匪尙有一百餘人向棧東

奔竄慶成既派守備李如緒帶兵窮追務須飭令
上緊跟躡淨絕根株不可予賊以暇慶成仍應留
心堵禦設該匪又向棧東折回卽當隨地剿淨勿
致再令竄入老林至苟逆等股現經額勒登保督
兵追剿薛大烈張績已在桃園子等處趕上賊股
大獲勝仗此時官兵乘勝追擊該匪等非竄往甘
肅地界必仍折回川北慶成尤應上緊堵截設苟

逆由棧西一帶奔竄則惟慶成是問再川北餘匪亦難保其不竄入陝界慶成仍當隨時督同將備等扼要堵截不拘何處餘匪竄至卽奮勇剿殺與各路大兵互相策應剋期蕆事

二十九日庚午勒保賽冲阿奏言臣等會同查探

達州新寧梁山竹一帶剿殘餘匪已就肅清惟陳自得一股從巫山奉節一路竄來勢稍鴟

張雖經

臣

等分派侍衛花品塔什拉遊擊馬續

門繼春薛陞程元龍等帶兵迎擊已於忠州九

亭地方接仗剿獲賊匪六七十人然查該匪人

數尙有六七百人並有騾馬八九十頭匹誠恐

前次所派之兵力尙單一時未能得手

臣

等正

在督兵策應聞據馬續等稟報官兵自在九亭

地方斬獲多名後該匪卽聞風窮竄我兵跟蹤

緊臨每一晝夜計程總在二百里內外沿途逃
出難民兩脚俱腫賊匪亦有狼狽倒斃者十五
日四更時官兵行抵梁家場探得賊匪遁入隣
水縣屬之桂林漕侍衛花品塔什拉等卽率馬
步兵勇乘夜抄擊殺斃賊匪五十六名生擒戰
手十三名奪獲賊旗刀矛騾馬無數餘匪卽向
大竹縣屬之大安槽一路竄走該將等將所獲

賊匪解交隣水縣收管稟候核辦仍帶兵追蹙

前進維時臣等正欲督兵繼進適聞該將等追

賊已由隣水向大竹一路前來臣等當卽會同

商議該將等追剿此股賊匪業經兩得勝仗五

日之間跟追將及千里賊匪畏兵逃竄不必再

爲策應惟有督兵抄出賊前迎頭截擊方可收

兩面夾攻之效臣賽冲阿與溫春帶兵由蒲包

山一路抄截

臣

勒保督同蒲尙佐等帶兵由月

華場一路繼進賊匪已由團馬鋪木魚池等處

竄來我兵卽在蒲包山埡口紮住等候望見前

起賊匪約有二百人溫春卽帶侍衛富森德等

統率馬隊官兵向前奮擊並派叅將李東山遊

擊曾受等帶領步兵繞出賊後追殺正在圍剿

間後起賊匪亦至約有三百人驟馬七八十匹

遙見我兵正與前起之賊接仗後起賊匪卽欲
由原路奔回當派副將馬元遊擊楊森都司彭
家棟守備馬光宇等分帶兵勇抄上兩旁山坡

向下壓剿

臣

賽冲阿督同協領明德塔金保叅

領達春等帶領馬隊追殺此處山溝狹窄賊匪

擁擠不開我兵鎗箭齊發殺賊七十餘名生擒

五十餘名餘匪亡命向月華場一路折竄適

臣

勒保督同蒲尙佐率領叅將沈洪遊擊賀廷印
等帶兵踵至三路官兵跟蹤緊躡沿途復斃賊
十餘名賊匪竄至觀音堂一帶搶佔山梁我兵
奮勇仰攻鎗箭齊發賊復翻山逃竄我兵乘勢
下壓又殺賊三四十名生擒二十餘名滾崖跌
斃二三十名溫春督率馬步官兵由觀音堂磨
子溝張家嶺等處直追至馬鞍山沿途復斃賊

二十餘名生擒十餘名我兵自四鼓在元壩驛
拔營至蒲包山接仗追殺至此計程已及二百
里天色向晚當將兵勇暫紮計此次接仗共斃
賊一百九十餘名生擒一百零七名奪獲賊旗
刀矛鳥鎗騾馬無數臣等當提活賊查訊內有
僞總兵羅世先牌頭汪應舉許連斗鄧三林及
戰手鄭庚兒等四十三名概行正法其餘羅朝

仁等六十名均係被脅難民分別遞籍查此股賊匪初自巫山奉節竄至忠屬一路原有六七百人我兵連日追剿斬獲百餘人沿途倒斃及逃出者復有百餘人計竄至大竹山不及五百人經此番痛加剿擊共計殲擒三百餘人所剩不過一百四五十人向平灘場仙女山等處分路散竄現在探明蹤跡追剿至賊首陳自得會

否被兵殲斃抑已隨衆逃逸尙未查究確實然
該匪人數已十去七八餘匪殘敗之極卽日可
冀殲除又據總兵田朝貴稟報該鎮等剿辦張
魏二逆股匪向在川北廣南通巴等處輾轉跟
追該匪狡猾異常四路狂奔一時總不得手適
經畧額勒登保添派副將蕭福祿叅將朱槐等
帶兵前來協剿臣勒保又派遊擊羅思舉帶領

鄉勇一千餘名前往幫助該逆等聞官兵聲勢壯盛卽由黃鍾堡絲羅壩一帶向東鄉奔竄蕭福祿朱槐等帶兵尾追田朝貴當與羅思舉商議分路抄出賊前卽帶領兵勇由木門場得勝山金鷺寺一路探剿本月初九日行抵南壩場探得張魏股匪已由岳溪翻過周家壩相距南壩場一百八十里田朝貴等卽帶領兵勇抄出

開縣所屬之木箐壩暫紮等候次日賊匪果由
岳家壩向大黃山一路竄來田朝貴卽將兵勇
分爲三路迎擊該匪等竟敢恃衆抗拒正在相
持間忽有騎馬賊十餘名向官兵隊內直衝而
來當被我兵全數殲殺步賊復來相撲經軍功
廖榮譚升賀天貴等帶領鄉勇將賊隊戰手立
時殺斃多名賊始怯退官兵奮勇追擊斃賊三

十餘名該匪遂向鶯嘴山奔竄用朝貴羅思舉等帶領兵勇跟蹤緊躡追殺十餘里沿途擒獲甚多追至杉木尖地方賊匪復佔住山梁踞險抗拒軍功譚升李貴二人執旗帶領鄉勇首先衝上殺賊五名賊匪不敢下壓衆兵勇乘勢一擁而進殺賊二十餘名餘匪向土黃壩竄去天晚撤兵歸隊查得殺斃賊匪共八九十名生擒

男婦一百九名當將所獲各犯查訊有僞先鋒
姚士仁殷子富探馬頭蒙必山戰手王作寅等
十八名立時分別正法其餘彭宇綱唐黃氏等
八十八名口訊係被脅難民就近解交新寧縣
查明釋放田朝貴等正偵探餘匪蹤跡商議剿
辦適於次日酉刻據附近寨民報稱東開兩縣
交界大堰坪一帶竄來賊匪一股現在攻圍硿

寨請兵剿辦田朝貴卽連夜發兵前往行抵該
境天尙未明賊匪正由子木垵竄來與官兵迎
頭相值遊擊羅思舉王忠桂等當卽分帶兵勇
從左右山梁抄擊田朝貴親督兵勇向大堰坪
中路衝殺該匪向前抗拒經軍功向貴廖榮並
鄉勇頭張中等將該匪橫衝兩截兵勇乘機追
殺斃賊十七名該匪折向趙家溝奔竄田朝貴

卽督率羅思舉王忠桂等兩路抄截復斃賊匪五十餘名生擒七十餘名該匪奔上鞍子溝山梁兵勇仍分路追殺該匪復奔至葫蘆口踞險拒敵自辰至午屢擊不退當有軍功黃陞帶領鄉勇十餘名攀巖而上抄出賊後吶喊下壓該匪慌亂驚潰我兵乘勢仰攻立時殺賊二十餘名滾崖跌斃五十餘名賊匪各處奔竄我兵分

投追剿各有斬獲至暮收兵歸隊計此次打仗
共殺斃賊二百餘名生擒男婦一百七十三名
口查訊此股卽係宋國品股匪又與湯劉餘匪
在碗架山會合竄至東開交界地方滋擾適遇
官兵痛加斬獲所擒活賊內有僞先鋒張爾文
何廷周及旗手滿成高等四十七名卽行分別
正法其餘被脅難民內查有男婦四十九名口

卽附近硿寨新裹之人當令親屬領回各州縣
男婦七十七名口就近解交達州查明遞籍

臣

勒保查田朝貴兩次所剿之賊一係張魏二逆
一係宋國品股匪官兵兩路痛剿雖已大加斬
獲餘匪所剩無多但張魏二逆係積年老教著
名首逆宋國品係湯劉餘黨恐湯劉二逆潛跡
在內亦未可定均須急加剿淨勿留餘孽並探

得張魏二逆被官兵剿敗後有由東鄉折竄通
江一帶之勢田朝貴一旅之師恐其不能兼顧
其陳自得一股剿敗餘匪現由風洞子竄至七
里峽其勢非左竄東鄉卽右竄開縣此股所剩
不過百餘人無需臣等合力剿辦臣賽冲阿同
溫春卽探明陳自得一股窮其所向臣勒保卽
分兵由達州東鄉通江一帶前往督催田朝貴

一路官兵將張魏二逆趕緊剿辦並督催張志林分投剿辦朱國品股匪並查探湯劉二逆蹤跡以期迅速殲除奏入

上命軍機大臣傳諭勒保曰此次勒保等分派將弁追剿陳自得股匪五日之內跟追將及千里實屬不遺餘力勒保賽沖阿探聞該將弁已由隣水大竹一帶前來分路抄出賊前兩面夾擊痛加剿殺

共計殲擒三百餘人又田朝貴剿辦張魏二逆及
宋國品等股賊匪在東鄉開縣一帶先後斃賊二
百餘名生擒男婦一百七十餘人所辦俱好勒保
著加恩賞給四喜玉搬指鑲玉嵌寶石帶版小刀
大小荷包賽沖阿田朝貴著加恩各賞給四喜玉
搬指小刀大小荷包又發去荷包二十個搬指套
鼻烟壺各十件一兩重銀牌二百面五錢重銀牌

二百面著交勒保分賞賽冲阿田朝貴兩路出力
弁兵俟陳湯劉張魏五逆剿辦淨盡後再行分別
加恩所有帶領鄉勇協同剿賊出力之軍功譚升
李貴黃升著查明如本無頂戴卽傳旨賞給如已
有頂戴均加一等賞給以示鼓勵現在勒保以陳
自得一股剿辦餘匪所剩不過百餘人令賽冲阿
同溫春探明該逆蹤跡窮其所向勒保分帶兵勇

由達州東鄉等處。省催田朝貴剿辦張魏二逆並
飭張志林剿辦。小國品股匪兼探湯劉二逆蹤跡
所辦甚是。賽沖阿前經有旨令其回至陝省剿賊
今伊在川所剿陳自得一股餘匪無多。白應責成
賽沖阿一手辦竣。俟此股賊匪殲盡後。賽沖阿當
與勒保商酌。如彼時勒保督剿之張魏等逆業經
殄淨無須賽沖阿在川幫辦。賽沖阿再當回至陝

界與慶成在襄河一帶協力堵剿其田朝貴張志
林所剿張魏宋三逆勒保既親往督辦務當上緊
嚴催迅速剿竣此時川省不過零星竄匪易於搜
捕勒保賽冲阿尤應尅日肅清佇膺懋賞再宋國
品本係湯劉餘孽安知湯劉二逆不卽在宋國品
股匪之內勒保當飭令張志林於剿辦宋國品時
留心密拏勿任一匪漏網

同日

上諭內閣曰川省地方連年教匪滋擾凡被賊近賊各廳州縣經朕疊次加恩蠲緩現在零匪尙未淨盡若將應徵錢糧一律徵收民力不無拮据著加恩將界連陝楚之大寧太平廣元通江南江等五縣本年地丁正耗銀兩全行蠲免其奉節巫山雲陽萬縣開縣東鄉蒼溪巴州等八州縣本年地丁

正耗錢糧蠲免十分之五江北廳長壽達州新寧
忠州酆都墊江梁山竹隣水昭化閬中等十二
廳州縣本年地丁正耗錢糧蠲免十分之三至長
壽雲陽萬縣開縣巫山梁山達州東鄉新寧等九
州縣所有嘉慶三年帶徵二年輪免案內火耗銀
兩其達州梁山二處數在一千兩以上者加恩緩
至來年帶徵其餘七縣銀數有限俱於本年一併

帶徵昭化南部聞中岳池等四縣緩徵嘉慶三年
地丁正耗銀兩江北廳涪州合州忠州鄰都墊江
等六廳州縣緩徵嘉慶三年地丁正耗並帶徵二
年輪免案內火耗銀兩蓬溪鹽亭射洪等三縣緩
徵嘉慶六年地丁正耗銀兩俱著加恩於嘉慶八
年起分作二年帶徵蓬州劍州南充等三州縣緩
徵嘉慶三年地丁正耗銀兩定遠縣緩徵嘉慶三

年民欠地丁正耗並帶徵二年輪免案內火耗銀兩蓬州緩徵嘉慶五六兩年地丁正耗銀兩劍州南充定遠三州縣緩徵嘉慶六年地丁正耗銀兩俱著一併加恩於本年起分作五年帶徵以紓民力內大寧太平廣元通江南江等五州縣應徵鹽茶稅課銀兩有滯引未銷者亦著一體展限該部知道

欽定剿平三省邪匪方略正編卷三百四

壬戌年

三月初一日

辛未

惠齡奏言查劉永受賊匪竄過

子午峪由磴子坪一帶東奔

臣

當卽飛札提督

楊遇春總兵楊芳等趕緊抄赴東面截擊茲據

探報楊遇春率同叅將吳廷剛等由沙坪柳林

溝等處連夜抄出賊前楊芳卽由磴子坪蹣蹤

追截十五日楊遇春帶領兵勇抄至孝義屬之

沙羅帳探聞該匪甫自小安溝竄來相距不遠
楊遇春催兵急進該匪正在圍攻太平碕一見
兵到卽逃上右面山梁楊遇春一面飭令馬隊
官兵順溝衝殺一面帶領步隊兵勇分投搶上
山梁刀砍矛戳立斃賊匪三十餘人生擒二十
四名並救出新擄難民李興等十一名該匪直
奔西北獅子堖而去訊出獲賊內有探馬頭一

名陳行義僞先鋒一名阮二係阮學勝之孫並
老戰手鮮成得等二十二名因正在追賊之際
卽時全行砍斃其被擄難民均係附近百姓隨
卽釋放回家楊遇春仍督催兵勇乘勢襲擊翻
過數重大山追殺六七十里沿途又擒斬三十
餘名餘匪竄入北溝向蛟龍背一帶西遁未致
東竄又於賊匪訊出老戰手劉芳鳳等九名卽

行正法其餘王玉成等三名均係居民甫經被
裹亦卽釋放楊遇春仍連夜帶兵躡蹤緊追一
面知會楊芳改由江口高關抄截前來以期兩
面夾擊至苟宋二逆經薛大烈張績等截殺之
後該匪仍合夥逃向厚畛子一帶狂奔薛大烈
等分兵兩路一由金井大胡躡蹤追剿一由陳
家河抄前截擊查該匪已翻過秦嶺以南現在

經畧劉勣登保由獅子壩一帶探剿副都統慶
溥提督慶成亦俱在棧道一帶正可迎頭截擊

臣仍在辛口峪黑水峪一帶往來堵禦以防苟

宋賊匪折回並偵探劉逆賊蹤相機截剿再

臣

兩月以來在於各峪口往來堵截雖未入山而

山內地方情形時與長麟悉心講論凡有關於

剿撫機宜者隨時商酌辦理卽如賊匪藏匿老

林如果無糧可掠勢必不能持久南山內自修築寨堡以來牲畜口糧均已護藏嚴密而賊匪猶能苟延殘喘者則以老林之內猶有餘糧足資果腹查南山內向有晉楚富商挾資來陝僱集工夥每處自二三百人至四五百人不等入林伐木堆放山溝遇天雨水漲順流沖出以圖獲利名曰木廂又有開山伐樹種植香菌木耳

其工作人等亦在一二百名以外人數既多則口糧必裕取攜自便則蓋藏不密賊匪入林處處得食既爲逋逃之藪復有豢養之資是以輾

轉盤踞遂致辦理棘手

臣

與長麟等商札飭各

該州縣傳集商人諭以利害令其暫停工作將所貯口糧搬運入寨所僱工作撤令出山使林內無糧可掠不過一兩月內即可剿洗肅清惟

此項工作人等爲數過衆且多係游手無賴之徒若不設法安插遽行遣散必致流而爲匪復令各該州縣著落該商頭人傳集工作人等開造花名清冊送署或留於縣城運送軍餉或交地保人等修築寨堡卽令應募充工以資餉口現在州縣等各就本地情形妥議章程設法辦理一經辦有成法則賊匪不待轟擊而自出老

林官兵稍得地勢卽無難一鼓殲除至於各股
賊匪內除起首謀逆之老教人等自知罪孽深
重爲

王法所不宥斷不敢自行投出外其餘被脅之人見
賊勢窮蹙亦各漸有離散之心近日山內每有
三五人或十數人棄戈而逃向各寨堡求乞救
命者寨堡首領不敢收納且欲加以殺害遂仍

復入賊夥臣等仰體

皇上天地好生之心寬其一線自新之路出示曉諭
反復開導許其投出免死並許其若能縛獻首
逆尚應籲請

天恩加以賞賚一面傳知各寨堡首領如遇有賊匪
投首卽多撥鄉勇將投首之人押解本管州縣
衙門交收稟請安插毋得擅行殺害去其疑慮

之心破其固結之勢黨與既解則賊勢自孤於
剿辦較爲省力自_臣札諭之後木商工作人等
及寨堡各首領均能體會此意踴躍相從連日
接據盩厔等縣稟報境內木商其工作較多者
均已自築堡寨收貯口糧其工作較少者亦已
遣令出山暫停營運又據寧陝同知張鈞稟稱
西河寨總陳彤愷在老林搜捕餘匪適有李光

發等十七人情願投首當卽稟送到廳又金雞
河寨總王緒江稟送投首賊匪李勝用等三名
又腰嶺關寨總林定隆稟送投首賊匪趙學玉
等四名當經該同知將各寨總等優加獎賞並
錄取李光發等供詞稟賁前來臣詳加披閱均
係苟文明宋應伏等股內之人是該廳辦理已
有成效現已札飭該廳將李光發等二十四名

訊其有業可歸者酌給盤費遞回原籍其無業
可歸者先行酌給口糧妥爲安插再據署孝義
同知孫樹稟稱該廳鄉勇將僞元帥張萬寧等
獲送案訊據供稱係湖北房縣人本名李萬清
嘉慶三年入伍金杜營內先當探馬嗣充元帥
去年十二月間同李貴成合夥從川省竄來搶
過漢江後在蕉園溝被官兵打散宋應伏率衆

逃走李貴成不知去向我在林內藏躲被鄉勇
拏住等語是此股不匪業已完竣除再研究李
貴成下落查拏務獲外卽將該犯正法

惠齡又奏言連年部撥各省軍餉爲數浩繁

臣

未敢冒昧請撥所有甘省軍需項下節經借動
司庫兵雜各款應請一面飛催各省將應撥協
甘銀兩迅速起解於准山西撫臣伯齡咨稱現

奉

諭旨在於晉省撥銀一百萬兩解往四川備用晉省
庫貯無多已將應解甘省兵餉二十萬兩先行
奏解川省俟本年錢糧收有成數再將前項二
十萬兩并部撥甘省銀四十萬兩起解來甘等
因伏思甘省藩庫既已告竭而晉省應撥之六
十萬兩又不能迅解前來例餉需用緊急合無

仰懇

天恩在於就近省分

賞撥銀兩迅解來甘以應急需均奏入

上命軍機大臣傳諭惠齡曰此次楊遇春等帶領兵勇連日抄截劉永受股匪不予以暇雖擒斬無多而兵勇等逐日奔馳實屬辛勤不遺餘力總在地方官督率各寨團勇隨地隨時實力堵截擒拏使

逃竄餘匪有寨勇攔截於前官兵緊躡於後無路
逃生自可悉數殲除更爲事半功倍又據奏晉楚
富商僱覓工人攜帶口糧在南山內代木及種植
香菌木耳使賊匪得以掠食原係實在情形但此
等工人皆係無藉之徒爲數衆多如全行遣令出
山勢必流而爲匪該處本已添設官兵應卽責令
幫同防護其業經出山工作人等令其各募充工

以資餬口亦似可行又摺內稱投首賊匪李光發等二十四名分別遞籍安插一節該匪等既向寨總投首自應勿令失所但與其遞籍安插莫若擇其精壯能事之人令地方官明白曉諭以爾等改悔投首不過僅免一死若情願回至賊隊或將股內首逆設法殲斃呈驗首級或生縛獻出必當奏聞請旨給予官職卽不能殲擒首逆或勸令賊夥

率衆來投亦必奏明重賞俾投出之賊希冀立功
踴躍從事於剿捕機宜亦屬有益設伊等去而不
返亦屬無關輕重現在投出之二十四名旣已分
別安置不必紛更卽俟續有投出夥黨照此酌量
妥辦又甘省每年所撥例餉均須按時支放不能
稍有短缺該省因軍餉需用緊急挪用亦當及早
奏明乃先經借動司庫兵雜各款直至新疆例餉

不能支給始行奏請賞撥未免遲緩著惠齡於晉
省解川銀六十萬兩過陝時截留四十萬兩先應
甘省例餉之用其川省軍餉現又籌款另行解往
無須甘省歸還該督惟應先其所急撙節支用

上又命軍機大臣傳諭勒保延豐佶山曰甘省需用
例餉已降旨准其於山西應解四川餉銀六十萬
兩截留四十萬兩應用因思川省軍務將次告竣

並辦理善後事宜餉項均關緊要自應酌量籌撥
抵還著傳諭延豐佶山等卽於兩浙商捐餉銀一
百萬兩內先撥銀三十萬兩兩淮節省鹽課項下
動撥銀十萬兩迅速派委委員解赴川省交勒保
收貯備用以抵惠齡截留四十萬兩之數

初二日壬申額勒登保奏言查苟文明股匪竄至

光頭山一帶臣一面飭令薛大烈等速將該匪

驅逼出山一面派撥兵勇於西面之裏巢等處
潛行設伏以便該匪竄出老林卽行奮擊頃據
楊遇春報稱劉永受賊匪自太平峪西竄後十
三四等日又由葦子坪折向東南之紅廟河小
安溝等處楊遇春督率官兵星馳截剿由柳林
溝黃花嶺趕至沙羅帳該匪正在圍攻民祠一
見兵到奔上山梁楊遇春率領官弁兵勇奮力

上攻鎗箭並發斃賊三十餘人生擒探馬頭陳
行義先鋒阮二等二十四名散出被脅民人十
一名餘匪竄過山梁向西北獅子垭遁去楊遇
春當將所獲賊犯立時處斬並將散出民人釋
放仍卽督飭兵勇翻山越嶺緊躡追剿沿途復
殲斃二十餘名拏獲魏文貴等十二名亦卽正
法該匪連夜竄至元灘子由西溝老林竄出南

溝楊遇春與總兵楊芳分路兜截臣於十九日

由五郎河進發是日楊遇春追剿劉逆翻琵琶

嶺至兩河探聽賊蹤不遠因老林內馬不能前

派令副將應元寬叅將吳廷剛等帶領步隊兵

勇星夜進剿楊遇春帶領馬隊由甘家碛五郎

河而進適與臣相值臣而詢一切情形並等商

剿辦機宜旋據應元寬等報稱五更時帶領步

兵趨至山王廟探得賊匪屯聚燕子巖密派兵
勇潛撲賊營應元寬吳廷剛等相繼而進四更
時趕到燕子巖該匪散處民房我兵衝入刀矛
並舉殺賊十餘名生擒十四名賊匪於黑暗中
四散狂奔向安溝一帶遁入老林應元寬等仍
帶兵勇分投搜剿查該匪經官兵節次剿殺之
後所剩不及百人而且半無器械殘敗已極

臣

遂札知總兵楊芳帶兵迅速剿辦設山內尚有零星潛匿之賊亦卽一併搜捕毋任漏網是日接據薛大烈張積等報稱苟逆賊匪於十二二三等日由桃園于殺剿之後連夜向安溝光頭山王家河一帶逃竄因聞東南一帶有大兵攔截又折向黑河橋虎豹河厚畛子西竄有出都督河黃栢圍之勢

臣

卽令楊遇春帶領官兵並

添派總兵李應貴由東嶽殿龍草坪向西嶺逼

臣率同札克塔爾格布舍等由四畝地金竹園

女兒壩華陽一帶迅速督剿途次又據薛大烈

稟報賊匪於二十一日竄至黃柏園老林薛大

烈張績達斯呼爾岱等於夜間分路進剿殺賊

四十餘人生擒陳三元等十九名賊匪向太白

山奔逃臣於二十四日進二郎壩探得該匪已

竄往太白河古木嶺查該處西南可出留壩西
北卽出寶雞鳳縣慶溥及叅將吳亨衍現在辛
峪口一帶臣已飭令帶領兵勇速由斜峪關方

柴關緊顧桃號二川寶鳳之路由東北向西南
悉力轟剿並令薛大烈張績等帶領兵勇由留
壩向褒河進發預備截擊臣現督率札克堪爾

格布令帶領官兵跟蹤進發令楊遇春李應貴

帶領馬步兵勇從觀音峽雞公梁磨石溝顧佳
東面向西兜剿乘該匪竄出老林以外易於得
手之際無論向西向南總期併力剿洗再據田
朝貴蕭福祿稟報張勳股匪經官兵追至東鄉
地界沿途亦有斬獲該匪向後河一帶逃竄查
薛大烈等所帶剿兵本隨勒保一路於川境道
里情形皆所熟悉

臣

已飭知該鎮等於抵襄河

之後如苟逆賊蹤尚遠卽由廣元入川於南通

一帶協同田朝貴剿辦張魏股匪其副將蕭福

祿等官兵仍調回

臣

一路歸隊以資得力

額勒登保又奏言

臣

遵查寧陝一鎮自去歲

臣

將應設叅遊都守等官分別陞調仰蒙

允准後

臣

卽令各赴任所將營制逐一辦理所有應

設額兵六千名原議以兵六勇四搭配安設去

歲夏間因南山有零匪未淨急切未能招募齊
全是以一面暫將軍營征兵調派分設一面飭
令各營汛將備趕緊招募半載以來有已經招
募足額者亦有未經招募足額者蓋因軍務尚
未告竣民人皆樂爲鄉勇不願爲兵丁且新兵
甫經入伍技藝生疎防剿驟難得力山內營壘
兵房去歲陸有仁因將經費挪作軍需奉

旨俟春融再行興作是以至今尚未開工官弁兵丁
既無辦公棲息之所卽不能屹然成鎮且地方
遼濶雖逐段設有營汛而中間相隔總在百里
以外及二百里不等賊匪追剿窮蹙翻山越箐
大率不由路徑前次有宋李等逆闖入山內各
營汛官兵又多派赴各處剿捕以致汛地虛空
苟逆又復竄入此賊匪所以尚得出入南山之

情形也查寧陝新設官兵現在止領本任養廉
共新設兵丁因尚未分別馬步戰守現俱照步
兵之例每月各給例餉一兩五錢米折四錢若
遇調派搜捕亦不另給鹽糧伏念山中經賊匪
疊次蹂躪食物昂貴實不敷用一經調令堵剿
更屬竭蹶所以應募者少現在寧陝鎮總兵楊
芳業已到任臣已飭令將各營官兵均暫歸本

營無須分撥小汛挑出六成作爲剿兵以四成
爲防兵留於本營汛地如附近有賊該管將備
卽帶領剿兵截擊其剿兵應請照本省剿捕之
例月給鹽菜銀九錢日支米八合三勺所有本
營月餉一兩五錢仍行支給帶兵搜剿之將弁
仍給鹽菜口糧其防兵則仍月給銀一兩九錢
毋庸加增如此則應募者自多俟衙署兵房修

理齊全卽分別馬步戰守只支例餉官員仍支
本身俸廉將鹽米口糧全行裁去至各營汛城
堡及衙署兵房爲官員辦公及兵丁安身之所
尤須趕緊辦理查倭什布現在寧陝所有寧陝
鎮及中左二營應卽率同寧陝同知張約辦理
華陽營汛派令原任山西藩司候補同知通判
陳文緯辦理留壩江口營汛派令知府龍萬育

辦理四畝地營汛派令候補知府商州知州陳
祁辦理五郎江口營汛派令糧道素納辦理斜
峪關營汛派令鳳邠道台斐音辦理總督惠齡
現在峪外相距不遠可以往來查催務期集事
再查陝西提督移駐漢中川楚均有添設營汛
之處刻下亦應趕募額兵修葺衙署兵房使各
營汛尅期觀成於彈壓地方搜捕餘匪均有裨

盜

同日陸有仁奏言連日復據探報苟逆大股賊
匪與宋逆股匪合夥竄至鄆縣潞峪內之桃源
子一帶經總兵薛大烈等帶兵趕到殲擒賊匪
百餘名並拏獲僞總兵姚青雲大旗手齊應祿
賊卽向東南一帶老林奔竄薛大烈分兵三路
追截經畧額勒登保由熬屋小王濶一帶親入

老林督剿又劉永受股匪由孝義境內竄至寧
陝之沙羅帳經楊遇春帶兵趕到殲擒三十餘
名餘匪向西奔竄楊遇春緊躡追剿督臣惠齡

現復移至盤屋田峪以防賊匪北竄又棧西賊
匪二股係劉永受分出之賊因慶成帶兵追剿
該匪卽乘夜竄過棧東之王家場谷岔河一帶
適慶成前敵都司張起鰲帶兵趕到並經該處

地方官督率寨勇協力圍剿殺賊八十餘名生擒二十餘名所剩餘匪不過五六十名逃入八方山內藏匿現經守備李如緒帶領兵勇及該處寨勇合力搜剿不難卽時淨盡又川省藍白等號餘匪七八百人竄至紫陽斑鳩關一帶經總兵穆克登布乘夜督兵擊剿兩次殺賊八十餘名餘匪奔回川界羊耳壩穆克登布派兵分

投追剿

臣

查南山苟逆等三股賊匪統計不過

一千數百人而各路兵勇爲數不下二萬如果

得地得勢不難一鼓殲除現在薛大烈一路已

得勝仗經畧復親入老林自可痛加殲洗惟此

時山內之兵共計十數隊處處皆須運糧寨存

者旣已無餘各地方官源源趨運朝東暮西並

無定向連日接據咸寧長安盤屋洋縣等稟報

竟有半途遇賊之事雖查明所失糧石爲數無
多而護糧丁役壯勇多有遇賊被戕者惟有多
添護糧壯勇並時時探信覓路加意慎重趕運
軍營不敢稍有缺誤再陝省自寨堡辦成之後
各地方官督率寨勇搜捕零星餘匪通計已有
七十六起近日復有西鄉縣知縣狄穉於入山
催糧時鼓勵寨勇擒獲賊目羅元玉訊係苟文

明營內旗手又洋縣知縣石珩擒獲賊匪鍾文
一名訊係伍懷志夥匪近日歸入苟文明賊營
均於審明後卽行正法又石泉縣知縣李樞
督率寨勇拏獲賊目苟子舉一名係苟文明堂
叔並大頭領羅應虎李宗富等二名現已訊明
就近請示經畧辦理以上各員於搜捕事宜尚
俱認真出力其近省峪川一帶屬縣及商州等

屬分投偵探賊蹤晝夜團勇防堵並設法趨運
軍糧亦能不避艱險盡心籌辦均奏入

上命軍機大臣傳諭額勒登保曰此次劉永受股匪
在燕子巖屯紮經額勒登保派令楊遇春等帶兵
追剿節次俱有斬獲該匪所剩已不及百人勢極
殘敗自無難全數殲滅其苟逆一股尚在山內奔
竄額勒登保已派令將弁悉力轟擊逼令苟逆出

山以便易於剿辦但該逆一經竄出必須就近殲除不可任其復行竄入亦不可令其四散奔逃現在額勒登保因薛大烈於川省道里情形較爲熟悉飭令該鎮赴南通一帶協同田朝貴剿辦張魏股匪卽將前次派往之蕭福祿調回隨同剿捕苟逆所辦俱是額勒登保當酌量情形隨時調度朕亦不爲遙制 俟苟逆殄除大局戡定先將所設

鄉勇量加裁減並將附近之湖南湖北等省隨征官兵陸續撤回原省其本省官兵總須於地方肅清寧謐方可全撤歸伍至寧陝衙署兵房從前既未籌辦妥協此時自應趕緊興工一律辦竣俾官兵等得以駐劄彈壓卽著咨會惠齡照所分段落責成倭什布等上緊趕辦其新設兵丁如何分別防剿支領鹽菜口糧之處著額勒登保會同惠齡

陸有仁妥議具奏

上命軍機大臣傳諭陸有仁曰陸有仁奏咸寧整屋等處半途遇賊失去糧石押運壯勇多有遇賊被戕者該撫惟當飭令各地方官多添護糧丁役加意慎重趕運軍營不可稍有缺誤其遇賊被戕壯勇卽與陣亡無異著查明造冊咨部賜卹至西鄉縣知縣狄穉擒獲賊目羅元玉洋縣知縣石珩擒

獲賊匪鍾文石泉縣外縣李樞煥等獲賊目苟子
舉並大頭領羅應虎李宗富尚俱認真出力且所
獲賊內多半在苟文明營內充當賊目其苟子舉
一名竟係苟逆堂叔此等苟逆夥黨現既就擒亦
何難將該逆探蹤緝獲著陸有仁傳諭狄穉等三
員並通省各州縣等將來論功行賞總以獲賊之
多寡定其勞績如果將著名首逆擒獲自必立加

陞擢其擒獲數名及多名者分別給與恩敘所有
狄穉石珩李樞煥三員著該撫存記統俟大功告
歲一體再降恩旨

同日吳熊光全保奏言竊

臣

等前奉

諭旨查明陝甘四川湖北省所屬州縣內其被賊之
久暫與受害之輕重及各州縣津貼之多寡分晰

開單奏聞

臣

查湖北被賊各屬均在上游襄鄖荆

宜及施南等府而下游各屬亦間有被賊擾及者其中久暫不等輕重不一所有運送軍糧軍火等項俱蒙

皇上發帑辦理並不藉資民力各州縣亦無津貼之事謹將各屬被賊久暫輕重情形遵

旨開具清單恭呈

御覽奏人得

旨交部臣查明具奏